

Program for kommunevalget 2011

Hå Venstre



Folk først

«Menneske er viktigare enn system.
Venstre prioriterar folk først.»



HÅ
venstre

Folk først

Hå kommune skal sette folk først, og systemer og særinteresser i andre rekke.

Hå kommune er for tida ganske svake på miljøpolitikk. Etter at stillinga som miljøvernleiar vart avvikla har det vore minimal fokus på miljøpolitikk i kommunen. Dette vil Venstre gjera noko med !

Vassdraga som renn gjennom kommunen er svært viktige for miljø og trivsel i kommunen. Venstre vil gjera vassdraga til ei livsnerve gjennom målretta satsing på å redusere utslipp og på å nytta vassdraga aktivt til friluftsområde og turområde.

Kampen om arbeidskrafta kjem til å bli hard i framtida og Hå kommune må gjera ein aktiv innsats for å bli ein meir attraktiv arbeidsplass. Både arbeidsvilkår og lønnsnivå må vera minst på linje med andre kommunar i regionen.

Ein aktiv personalpolitikk som tar vare på dei tilsette og legg til rette for utvikling og vidareutdanning er svært viktig. Dette må også omfatta ein seniorpolitikk som gjer det muleg og attraktivt å arbeida fram til oppnådd pensjonsalder – og gjerne lengre for dei som ynskjer det.

Hå Venstre går inn for eit aktivt samarbeid mellom likeverdige kommunar på Jæren. Alle Jærkommunane har i stor grad dei same utfordringane og den beste måten å løysa desse på er gjennom eit tett og aktivt samarbeid.



Kommunesamanslåing er ikkje aktuelt utan at det først har blitt eit fleirtal for det i ei folkeavrøysting.

Skule for framtida!

Hå Venstre vil satsa på skulen og ser ingen grunn til at ikkje Hå skal ha eit høgt kvalitetsnivå på alle trinn.

Venstre vil sikra ressursar til skulane slik at vi kan ha ein skule på høgde med dei beste kommunane i landet.

Det må sikrast gode ressursar også til elevar med spesielle behov gjennom å styrka samarbeidet mellom PPT og skulen, styrka sosiallærarfunksjonen på skulane og å gje større ressursar til spesialundervisning.

Nytilsette lærarar må sikrast god oppfølging og rettleiing slik at dei trivest i skulen og kan ta vare på elevane på ein god måte.

Alle lærarar som har vore tilsett i 10 år eller meir skal ha rett på eit halvt års permisjon med løn til vidareutdanning.

Ta vare på og byggja vidare på dei grendeskulane vi har. Venstre ser ingen grunn til å leggja ned nokon av desse.

At det skal vera barnehageplass til alle som vil, bør vera sjølvstilt i ein kommune som Hå og desse barnehagane skal ha eit godt pedagogisk innhald. Alle barnehagar må få like vilkår for drift.



Leikeplassane rundt omkring i kommunen – særleg på eldre felt – treng sårt til opprusting. Leikeplassane er viktige både for borna og som møteplassar for dei vaksne og må haldast godt vedlike, både for å ivareta trivselen og sikkerheita.

Hå må bli miljøkommune

Hå Venstre vil tilsetja ny miljøvernleiar, direkte underlagt rådmannen, som får ansvar for og myndigheit til å gjera Hå til ein aktiv miljøkommune.

Hå kommune må arbeida aktivt med å redusera CO2 utsleppa frå eiga verksemd minst i samsvar med nasjonale mål.

Venstre vil at Hå skal støtta alternative energiformer der det er fornuftig. Både gass, biovarme og fjernvarme bør kunna nyttast der tilhøva ligg til rette for det.

Jordvern er svært viktig for ein sentral jordbrukskommune som Hå. Vidare utbygging av bustader må difor i større grad leggjast til utdyrka areal i søre deler av kommunen eller som forsetting i sentrumsnære områder.

Søre Hå – frå Vigrestad til Sirevåg - kan i framtida bli eit fantastisk flott utbyggingsområde som er ideelt tilrettelagt for kollektivtrafikk med heile 4 togstasjonar og fleire trivelege bygder. Her er det areal nok til både næringsområde, bustadområde og fritidsbustader. Venstre vil laga ein samla plan for dette området slik at ein kan få ein betre og samanhengande infrastruktur og fleire felles anlegg til mange ulike formål.

I dette området kan det enkelt leggjast til rette for vidare utbygging på lite produktive areal slik at dette vil også vera eit godt tiltak for jordvern på Jæren.



Kollektivtilbudet til dette området må rustast kraftig opp slik at det å reisa kollektivt blir eit godt alternativ på linje med Bybanen på Nord-Jæren. Togstasjonane i området må rustast opp og det må vera gode parkeringsmuligheter nær stasjonen.

Alle sentra i kommunen skal ha som mål å vera ein triveleg samlingsstad for innbyggjarane. Venstre vil laga nye sentrumsplanar for alle sentra i kommunen med fokus på gode møteplassar, trivelege buområde og sentrumsnære grøntområde. Eit hovudmål for slik planlegging må vera at så mange som råd skal kunna gå til fots både til jobb og til sentrum – til butikken og andre sentrumsfunksjonar – og til togstasjonen når dei treng å reisa vidare.

Både Nærbø og Varhaug sentrum bør gjennomgåast kritisk og på sikt gjerast om til trivelege nærings- og bustadområde.

Hå Venstre vil gjera fleire gater i bustadsområdene om til miljøgater som er trivelege og trygge for dei som bur der.



Sentrumsfunksjonane på Nærbø bør ikkje strekkast ut over enda større areal. Det eksisterande sentrumsområdet må gjerast meir attraktivt for publikum og næring. Meieritomta bør ikkje nyttast til funksjonar som gjer at mjuke trafikantar må kryssa ein sterkt trafikkert veg for å nå desse utan at det vert laga gode løysingar for dette.

Vassdraga som renn gjennom kommunen er svært viktige for miljø og trivsel i kommunen. Venstre vil arbeida aktivt for å forbedra vasskvaliteten i alle vassdraga i kommunen og nytta desse områda aktivt i friluftssamheng.

Arbeida aktivt for å byggja eit samanhengande nettverk av turveier i kommunen, t.d. langs vassdraga i kommunen der dette er mulig og gjera dei til attraktive friluftsområde for innbyggjarane.



Samferdsel – både kollektivtilbod og trygge bilveggar - er eit nøkkelområde for heile kommunen. Jærbanen er rygggrada i kollektivtilbodet i kommunen og må utviklast vidare. Trygge bilveggar er heilt nødvendig for å skapa livskraftige bygder der andre tilbod ikkje kan nyttast.

Dobbelsporet / bybanesatsinga må forlengast til heile Hå så snart som råd slik at pendlarar i heile kommunen kan reisa kollektivt til og frå Stavanger / Sandnes – området. Første del av ei slik satsing er ei utbetring av kryssingsspora langs Jærbanen som vil kunna gi store deler av Hå togavgangar kvart 15 minutt.

Alle jernbanestasjonar må rustast kraftig opp og gjerast tilgjengelige for alle brukargrupper. Det må finnast gode og trygge parkeringsalternativ for bil og sykkel i nærleiken.

Fortsetja det gode arbeidet for å byggja eit samanhengande nettverk av gang- og sykkelstiar i kommunen.

Ein god kommune for alle

Hå er ein god kommune for eldre.

Denne politikken vil Venstre støtta og byggja vidare opp omkring.

Eldre, funksjonshemma og andre som treng hjelpetiltak har same krav på aktivitetar og meningsfylte liv som andre grupper. Dette må det leggjast vekt på ved fordeling av kulturmidlar og andre aktuelle budsjettpostar. Ordninga med støttekontakt og treningskontakt for dei som treng slike tiltak må styrkast.

Helsestasjonen på Nærbø treng sårt til fornying og ei ny løysing for denne må finnast snart.

Hå har eit narkotikaproblem som må tas på alvor og som krev at alle gode krefter samarbeider. Venstre er positiv til å samarbeida med frivillige organisasjonar og andre som kan bidra positivt – gjerne i samarbeid med skulen.

Venstre er positive til å hjelpa flyktningar som treng hjelp. Hå kommune er godt i stand til å ta imot fleire flyktningar enn i dag og syta for at desse blir integrert og får meningsfylt arbeid og fritid så snart som råd.

Sats på småbedriftene

Hå skal framleis vera ein av landets fremste jordbrukskommunar.

Bønder er i høgste grad også småbedrifter og må sjåast på som viktige arbeidsplasser i kommunen..

Jordbruket må drivast på ein bærekraftig måte slik at dei matvarene som blir produsert i Hå er trygge og ettertrakta hjå forbrukarane.

Hå har tidvis vore ganske flink når det gjeld politikk for etablerarar og småbedrifter. Denne politikken vil vi støtta og byggja vidare opp omkring.

Venstre vil arbeida aktivt for å stimulera til meir næringsmiddelindustri.

Satsinga på hamna i Sirevåg og tilknytt industri må vidareførast.

Venstre vil vidareføra det interkommunale samarbeidet om etableringstiltak på Jæren.

Turistsatsing – knytt til friluftsliv, landbruk og matkultur – og kulturturisme med røter i t.d. Jærmuseet og Hå Gamle Prestegard er naturlege satsingsområde i Hå.

Kultur er limet i lokalsamfunnet

Venstre ser på alle frivillige organisasjonar i kommunen som ein stor ressurs og vil samarbeida aktivt med desse for at dei skal få betre arbeidsvilkår.

Hå har fleire idrettslag der frivillige gjer ein fantastisk innsats. Denne innsatsen må kommunen visa at dei set pris på. Samarbeidet om bygging og drift av idrettsanlegg må vidareførast aktivt.

Venstre vil arbeida aktivt for å realisera eit symjeanlegg av høg kvalitet på Varhaug på ein god måte. Det bør greiast ut om dette kan bli eit regionalt anlegg.

Venstre vil bidra til bygging av nytt idrettsanlegg i Mattingsdal for å støtta det gode arbeidet som blir gjort der.

Hå Gamle Prestegard er eit av dei fremste sentra for kunst og kultur i landet. Venstre vil byggja vidare på dette og vil stemma for budsjetttrimmer som gjer dette mulig.

Samarbeidet mellom Jærmuseet og Hå Gamle Prestegard må halda fram og nyttast aktivt i turistsatsinga og i profileringa av kommunen.



Våre kandidater:



1. Tom Henrik Rosseland (41)

Rekneskapsfører, oppvaksen på Varhaug men busett på Nærbø.
Viktige saker: Næringspolitikk, økonomisk politikk, sentrumsutvikling og at Bryne vinn i fotball.



2. May-Linn Njærheim (35).

Bonde og kjøkkenkonsulent, busett på Njærheim like ved Hælvå. Viktige saker: Jordvern og matproduksjon, rettane til dei svake i samfunnet, oppvekstvilkår og friluftsliv.



3. Janet Johansen (32).

Arbeider med psykisk helsevern, busett på Varhaug.
Viktige saker: Velferd, småbedrifter (også bønder), jordvern og skule.



4. Ola Taksdal (24).

Student som trivst som lærarvikar, busett på Nærbø. Ungkar(!)

Viktige saker: Vilkåra for ungdom i etableringsfasen, bustadpolitikk.



5. Anne Kathrine Edland (47)

Sivilagronom / Lærer på vidaregåande, busett på Nærbø.

Viktige saker: Oppvekstvilkår, idrett, skule og fritid.



6. Mindor Ola Hatlegjerde (51)

Ingeniør, busett på Nærbø, i helgene mest i campingvogna på Ognå.

Viktige saker: Kollektivtrafikk, småbedrifter, friluftsliv, jakt og fiske.

7. Albert Moe, 1943

8. Jon Arne Silgjerd, 1957

9. Agnes Bø, 1958

10. Tor-Eivind Fagereng, 1978

11. Otto Laurits Fuglestad, 1939

12. Sissel Sæla Hatlegjerde, 1960

13. Åsa Møller, 1940

14. Terje K Njærheim, 1972

15. Gerd Holmane Sandsmark, 1938

16. Arne Skåland, 1962

17. Sølve Tafjord, 1987

18. Odd Arild Varhaug, 1971

19. Jan Bredo Våland, 1954



venstre

les mer på:
www.haa.venstre.no